

Ervas – discretas, ma tuttina fitg impurtantas

Exposiziun speziala en il museum grischun da la natira

■ (anr) Da la famiglia d'ervas dultschas enconusch'ins var 10 000 spezias. Ellas èn la basa dal nutriment per ils umans sin tut il mund. L'exposiziun en il museum da la natira vul illustrar la grond'impurtanza da las ervas. Pertge far ina exposiziun da simplas ervas e na sco usità d'orchideas u outras fluors da belleza? La famiglia da las ervas dultschas che cumpiglia var 10 000 spezias è insumma ina da las famiglias da plantas las pli grondas e cun il pli grond success. Ervas èn quasi tutpreschentas, da la riva da la mar fin sin las muntnognas las pli autas e dal equator fin a las regiuns polaras. Perquai datti en il museum da natira grischun in'exposiziun mo sur dad ervas.

Ervas – nossa basa da nutriment

Cun tirc, furment, ris, channa da zutger e bleras autres spezias represchentan las ervas las plantas da nutriment e da niz las pli impurtantas per ils umans ed ils animals. «Perquai vulain nus mussar questa giada insatge auer che mo animals e crappa sco uschiglio en il museum da la natira grischun», ha maneggi ier il

directur, Jürg P. Müller, en occasiun da la conferenza da pressa. Ina runda tras in supermartgà mussa ch'er ils umans qua en l'Europa moderna èn dependents dad ervas. Ils sustants products na dessi betg senz'ervas: Paun, spia da tirc, zutger, ris, pasta, biscotg, pulenta,... ma er biera u rum, u perfin il palpiti da cigarette.

Ervas – dattan la tempra a las cuntradadas

Las ervas èn adattadas a moda optimala a lur ambient. Ni la chalira, la fradaglia, la setgira, il fieu, ni la mancanza da substanzas nutritivas na las pon betg periclitari seriusamain en lur spazi da viver. En cas d'ina mancanza d'aua moran bain ils organs sur terra, ma betg las ragischs sur terra ed ils brumbels a la surfatscha. Quests organs zunt impurtants per viver vegnan protegids da las feglas crudadas ch'en sco ina cuverta cunter la radiazion, ils pass ed autres influenzas mecanicas. Grazia a questa resista n'è er betg il ruier d'animals pasculonts in drama per las ervas. Uschespert che la situaziun è sa meglierada, sa refan el las puspè. Las ervas dattan uschia

la tempra, sco er paucas autres famiglias da plantas, a vasts territoris da nossa terra, a cuntradadas naturalas ed a cuntradadas, da las qualas la cuverta da vegetaziun vegn influenzada dals umans.

Ervas – l'exposiziun

Dal 1. da fanadur fin ils 24 d'october 1999 sa chatta l'exposiziun speziala «Ervas» en il museum grischun da la natira. L'exposiziun è vegnida concepida dal museum da la natira dal chantun Turgovia e dal curtin botanic da Son Gagl. Ella mussa expressivamain che las ervas dattan la tempra a noss mintgadi, en ina tscherta moda. Ultra da quai vegn preschaentada pli detagliadament la biologia da las ervas cun agid da graficas, maletgs, models e da preparats.

Il museum grischun da la natira ha cumplì in ritg program general tar l'exposiziun speziala.

Quel porscha er tranter auer differents referats, curs ed excursiuns che han far cun ervas. Ina da las excursiuns porta per exemplil il titel «Ervas e cuntradadas ervusas dal Grischun». I dat però er in curs per emprender a classifitgar las differentas ervas ed auer pli.



Da las 10 000 ervas che muntan la basa d'existenza per l'uman enconuschian ils blers mo paucas u naginas. Plinnavant dattan quellas la tempra a mintga cuntrada.

J.MENOLFI